





De Gallofr. Atrousio Icto Viteberg.

F. R. 68

Z e
6763

PRORECTOR
ACADEMIAE VITENBERGENSIS,
IO. BALTHAS.
VVERNHERUS, D.
PANDECTARUM P. P. CURIAE
PROVINCIALIS, SCABINA-
TUS ET FACULT. JURID.
ASSESSOR,
CIVIBVS ACADEMICIS
S. P. D





Ostrae patrum necessitudini con-
venit, ut supremo pietatis officio
memoriam colamus Viri donis na-
turae et meritis maximi, D. GO-
DOFREDI STRAUSSII, IC. incomparabilis,
omnium opinione votoque digni, ut longiore
aevo frueretur. In quo multum amissimus, sive
doctrinam, cuius monumenta superant, sive con-
stantiam, qua aequales vicit, sive industriam,
cuius exempla ante oculos sunt, repetamus iden-
tidem et cogitemus. Cum omnibus his vir-
tutibus amorem Dei perpetuum coniunxit, et
pacem cum eo omni vita habuit, cetera, quan-
tumvis maxima, infra se duxit, et non tantum
arte reddendi iuris, sed etiam per sancta Numi-
nis veneratione, sacerdotem iuris se ostendit.
Qua cum esset indole, nihil tam arduum erat,
nihil tam eximium et singulare, quin ratione
comprehenderet, et mente complecteretur.
Difficilimas iuris controversias accurate et de-
xtre diiudicabat, ac partes atque officia sic tueba-
tur integre, ut prope oculis subiiceret, nec lon-
gum tempus ad deliberandum efflagitaret. Est
profecto ea ingeniorum vis, quae foecunda-
rum arborum, in quibus semina sponte se exci-
tant et vigent: tum surculi seruntur, qui crescen-
do

dotollunt se altius, ac iustam magnitudinem assequuntur. Hoc STRAUSSIO usu venit, in quo perfecit industria, quod natura inchoaverat, cum veluti in vere aperiret se campus, et florum varietate hortos vestiret. Plurimum quippe ad laudem et decus familia contulit, qua ortus est, amplissima, quam omnium rerum copia nobilitavit magis, et evexit, sic ut principes pretium statuerent laboribus, et consiliis STRAUSSII adhiberent. Hic praeses Ordinis Iuridici Saxonis iudicio creatus, magna apud omnes gloria fuit, et tractandis Academiae rei publicae negotiis assiduus, nihil sibi concessit ad ludum, neque animum a seriis abduxit, cum ei liceret interquiescere, et villas fundosque animi causa obire. Priscos iuris conditores gravitate aequavit, et velut dux agminis, malos seculi mores, ut hostes, armis iustitiae persecutus est, et cum peste humani generis iniustitia perpetuum et plenum gloriae bellum gessit, dignus certe iudex, cuius signum ex aere ducatur, aut simulacrum ex marmore in sepulchro ponatur. Itaque parentes, avos, maiores eo libentius omitto, quo cumulatiora STRAUSSII ornamenta animo meo occurrunt. De ceteris laudibus parcius dico, quoniam eas brevis pagina non capit, et illa-

2c 0163. 78
illarum quoque numerum ipsa multitudo prope
mihi subducit. Quamobrem hoc tale, et tam gra-
ve negotium ab eo susceptum est, qui id omne,
quod in STRAUSSIO amissum doleo, restituit
nerrime, et damnum refarcit. Est is summa no-
minis et meritorum dignitate Vir, Consultissi-
mus ac Nobilissimus D. IOANNES HENRI-
CUS BERGERUS, IC. longe celeberrimus,
Potentissimi Regis Poloniae et Serenissimi Ele-
ctoris Saxoniae in Senatu iuridicarum provo-
cationum Consiliarius, in Curia arcis, primarius
inter Doctores assessor, Collegii Iuris peritorum
ordinarius Praeles, atque in ceteris tribunalibus,
maxima dexteritatis famam consecutus, Vir,
inquam, mea praedicatione maior, qui gloriam
laudatissimi Ordinis, provincia sibi per manus
tradita, conservat pariter ac mirifice auget. Ma-
gnum illud Vir inclytus erga defunctum amoris
munus, perendie explebit, honorem ultimi officii
in Auditorio maiori habiturus, ad quem publice
audiendum ut frequentissimi conveniatis, Cives
Academici, cum D. STRAUSSII victurae semper
laudes, tum praecipue summa Iureconsulti BER-
GERI in Academiam remque publicam meri-
ta monere vos et movere plurimum debent.

P. P. Dominica QVASIMODOGENITI, Anno

MDCCVII.

mc.

VD 18

ULB Halle

006 531 016

3





De Galhofer. Arausfia. Scto Viteberg.

F.R. 68

Z e
6763

PRORECTOR
ACADEMIAE VITEMBERGENSIS,
JO. BALTHAS.
VVERNHERUS, D.
NDECTARUM P.P. CURIAE
ROVINCIALIS, SCABINA-
TUS ET FACULT. JURID.
ASSESSOR,
VIBVS ACADEMICIS
S. P. D

